

Biblioteca ta drenta un era nobo cu su sistema automatiza V-smart



BIBLIOTECA Nacional Aruba a scohe pa un sistema automatiza nobo V-smart, un sistema integra y web-based specialmente diseña pa bibliotecanan. V-smart ta ofrece un pakete total pa maneja diferente tipo di coleccion y documento. Cu esaki biblioteca por maneja tanto obhetonan tradicional como digital manera buki, revista, material audio, potret, e-journals, y bukinan electronico, webresources y mas. E sistema ta ofrece un fluho di trabou practico y instrumentonan administrativo cu ta facil pa usa. Ademas di V-smart, BNA lo implementa tambe un otro pakete cu ta V-

insight, esaki ta genera datonan importante cu ta duna indicacion di e uso di e coleccionnan y servicjonan. Cu V-smart y V-insight biblioteca ta bai traha cu e proximo generacion di software pa bibliotecanan pa asina por expande y mehora e servicio na e pueblo Arubano.

Busca den catalogo
Dentro di poco usuari-
onan lo por busca den
catalogo via Internet pa
medio di Web Opac di V-
Smart. E opcion aki ta of-
rece e usuario acceso pa
haya informacion rel-
evante y maneja difer-
ente accion. Usuarionan
por bai busca online,
ricibi alerts, sugerencia,
etc. Tur esaki pa facilita
y sostene e usuario cu su

investigacion.

Vsmart ta bai 'live' na fin di September den bib-
lioteca. Biblioteca no ta
sera pa publico pero si e
sistema bieu lo ta desac-
tiva pa algun dia prome
cu e sistema nobo por
keda activa. Henter luna
di september emplead-
onan ta haya training y
tambe ta test e sistema.
For di dia 15 te cu dia 25
di september biblioteca
ta habri solamente den
dia te 5'or y ta sera ano-
chi. Entrega y prestamo
di buki NO ta posibel
den e periodo menciona.
Tur otro servicio manera
uso di computer/inte-
net, cursonan y otro ac-
tividad ta sigui normal.
Por usa sala di estudio,
Centro di informacion
digital y copycenter.

